

三才圖會

三才圖會目

雲間元翰父王圻編集

男思義校正

人物十卷

觀音圖

真武圖

梓潼圖

魁星圖

六丁六甲直日神將圖

蠶神圖

老子圖

東王公圖

西王母圖

赤松子圖

廣成子圖

彭祖圖

青鳥公圖

鐵拐圖

王子喬圖

尹喜圖

李八百圖

丁令威圖

鬼谷子圖

劉越圖

太山老父圖

白石生圖

安期生圖

東方朔圖

鍾離權圖

馬成子圖

黃安圖

劉玄英圖

浮丘伯圖

劉晨圖

魏伯陽圖

白永觀音



南海觀音



三ノ國

ノ一

三

吳道子畫像



觀音大士絕不聞有婦人稱嘗考法苑珠林宣驗冥祥等  
記觀音顯迹下朝至衆其相或菩薩或沙門或道流絕無  
一作婦人者婦人之訛皆起於宋人而元僧遂以爲妙莊  
王女可笑也睿甫云妙莊王之說誠誕然謂女相起於宋  
元則未然如什元楚廬山東林記有花冠百寶風容動搖  
之語僧皎然觀音讚有慈爲兩芳惠爲風灑芳襟芳襲輕  
佩之句此豈外婦人服相今吳道子畫像 尚刻石滁州  
垂瓔帶釧全非沙門菩薩之狀則知婦人之說非起於宋  
元也



眞武帝君



真武係淨樂國王太子生而神靈遇紫虛元君授以道又遇天神授以寶劍入武當山修煉四十二年功成白日飛昇奉上帝命往鎮北方披髮跣足躡離坎真精建炁燾玄旗統攝玄武之位神威赫然歷代顯著本號玄武宋避諱改真武武當山北有磨針澗者云真武修煉久之未契玄元亟欲出山忽遇老嫗操鐵杵磨石上問何爲嫗曰爲針耳曰不亦難乎嫗曰功到自成真武大悟卽返巖精修其地有榔梅相傳真武析梅枝寄榔樹之上誓曰吾若道成花開果結後竟如言今樹尚存

梓潼帝君



帝君本在天張翼之精周武王乙巳歲降生於吳會問張氏家仕周盡忠後歿神遊於蜀奉上帝命蜀門行化往來常寓於劔嶺之靈應洞事多顯應始建廟於斯其地屬梓潼縣故人遂以梓潼稱厥後分身應化功被生民上帝命掌文昌職貢舉事因加秩帝號故人又稱爲帝君其事跡詳具於化書然化書乃出於帝君之鸞筆其前三十三化乃劉安勝設壇於誠應樓執鸞從事又有冲和道人馮如意焚香扶鸞叩神復降行事之實績爲九十七化蓋亦神道設教之意也

魁星圖



燦乎紫微垣之傍爲星之魁書乎進士第一之堂爲字之  
魁捷乎庚午之秋爲解之魁占乎辛未之春爲省之魁齊  
美乎丙辰之狀元爲天下之大魁悟魁之義得魁之趣  
文明之魁車載斗量不可勝計爾酒旣清爾殽旣馨惟吾  
魁其光賁其炳靈

盧陵文天祥贊

丁未神將名叔通



丁酉神將臧文公





丁卯神將名司馬



丁巳神將名崔巨卿



丁亥神將名張文通



丁丑神將名趙子玉



甲子神將名王文卿



甲戌神將名展子江



甲申神將名扈文長



甲午神將名衛玉卿





甲辰神將名孟非卿




甲寅神將文明名章



神之祀  
氏陵西妃元蘇先





蠶神天駟也天文辰爲龍蠶辰生又與馬同氣謂天駟卽蠶神也淮南王蠶經云黃帝元妃西陵氏始蠶至漢祀宛廬婦人寓氏公主蜀有蠶女馬頭娘此歷代所祭不同然天駟爲蠶精元妃西陵氏爲先蠶實爲要典若夫漢祭宛廬寓氏公主婦人蜀有蠶女馬頭娘又有謂三娘爲蠶母者此皆後世之溢典也然古今所傳立像而祭不可遺闕故併附之稽之古制后妃祭先蠶壇墮牲幣如中祠此后妃親蠶祭神禮也蠶書云卧種之日詰旦升香割雞設禮以禱先蠶此庶人之祭也自天子后妃至于庶人之婦事

神之禮雖有不同而敬奉之心則一諒爲知所本矣乃作  
祈報之辭曰 惟蠶之精天駟有星惟蠶之神伊昔著名  
氣鍾於此孕卵而生旣桑而育旣眠而興神之福汝有道  
皆盈尚冀終惠用彰厥靈簇老獻瑞繭盆効成敬獲吉卜  
願契心盟神宜饗之祈祀惟馨龍精一氣功被多方冀當  
是歲神降于桑載生載育來福來祥錫我繭絲製此衣裳  
室家之慶閭里之光敬帥長幼詰旦升香設殽於俎奠醴  
於觴工祝致告神德彌彰

太上老君



老子者太上老君也累世化身而未有誕生之迹迨商陽  
甲時分神化氣始寄胎玄妙玉女八十一年暨武丁庚辰  
二月十五日卯時降誕於楚之苦縣瀨鄉曲仁里從母左  
腋而生於李樹下指樹曰此吾姓也生時白首面黃長耳  
矩目鼻純骨雙柱耳有三漏門美鬚廣頰疎齒方口足蹈  
三五手把十文姓李名耳字伯陽號曰老子又號曰老聃  
周文王爲西伯召爲守藏史武王時遷爲柱下史乃遊西  
極大秦竺乾等國號古先生化導其國康王時還歸于周  
復爲柱下史昭王二十三年駕青牛車過函谷關度關令



尹喜知之求得其道二十五年降於蜀青羊肆會尹喜同  
度流沙胡域至穆王時復還中夏敬王十七年孔子問道  
於老聃退而有猶龍之嘆赧王九年復出散關飛昇崑崙  
秦時降浹河之濱號河上公授道安期生漢文帝時號廣  
成子文帝遣使詔問之公曰道尊德貴非可遙問帝卽命  
駕詣之帝曰域中有四大王居一也子雖有道猶朕民也  
不能屈何乃高乎朕足使貧賤富貴公乃拊掌坐躍冉冉  
在虛空中如雲之昇去地百餘丈而止於玄虛良久俛答  
曰今上不至天中不類人下不居地何民之有陛下焉能

令富貴貧賤乎帝悟方下輦禮謝授帝道德二經蓋無世  
不出先塵劫而行化後無極而常存隱顯莫測變化不窮  
普度天人莫可具述云

東王公



東王公諱倪字君明天下未有民物時鍾化而生於碧海之上蒼靈之墟道性凝寂湛體無爲贊迪玄功育化萬物主陽和之氣理於東方亦號東王公凡上天下地男子登仙得道者悉所掌焉嘗以丁卯日登臺觀望轉劫昇天之仙凡有九品然始昇之時先拜太公後謁金母受事既畢方得昇九天入三清禮太上而觀元始漢初有羣兒戲謔於道曰着青裙上天門揖金母拜木公時人莫之知唯子房徃拜焉乃語人曰此東王公玉童

西王母



西王母配位西方與東王公共理二氣調成天地陶鈞萬品凡上天下地女子之登仙者咸所隸焉周穆王八駿西巡乃執白圭玄璧謁見王母復觴母于瑤池之上漢元封元年降武帝殿進蟠桃七枚於帝帝欲留核母曰此桃非世間所有三千年一實耳偶東方朔於牖間窺之母指曰此兒已三偷吾桃矣是日命侍女董雙成吹雲和之笛王子登彈八瑯之璈許飛瓊鼓靈虛之簧安法興歌玄靈之曲爲武帝壽焉

赤松子



赤松子神農時雨師煉神服氣能入水不濡入火不焚至  
崑崙山常止西王母石室中隨風雨上下炎帝少女追之  
亦得仙俱去高辛時爲雨師間遊人間



廣成子

三才圖會

人物十卷

二十一



廣成子軒轅時人隱居崆峒山石室中黃帝造焉問以至  
道之要答曰至道之精窈窈冥冥至道之極昏昏默默無  
視無聽抱神以靜形將自正必靜必清毋勞爾形毋搖爾  
精毋俾爾思慮營營乃可長生慎內閉外多智多敗我守  
其一而處其和故千二百年未嘗衰老

彭祖



彭祖錢鏐帝顓頊玄孫至殷末世年已七百餘歲而不衰  
好恬靜善於補導之術并服水晶雲母麋角常有少容穆  
王聞之以爲大夫稱疾不與政事來女乘輜輶往問道於  
彭祖具受諸要因以教王王試爲之有驗彭祖知之乃去  
不知所往其後七十餘年門人於流沙西見之

青鳥公



青鳥公彭祖弟子也受明師指示審真仙妙理乃入華陰  
山中學道積四百七十一歲後服金液而昇天

鐵拐先生



鐵拐先生姓李質本魁梧早歲聞道修真巖穴時李老君與宛丘先生嘗降山齋誨以道教一日先生將赴老君之約於華山囑其徒曰吾鬼在此儻游覓七日而不返若甫可化吾鬼也徒以母疾迅歸六日化之先生至七日果歸失鬼無依乃附一餓莩之尸而起故形跛惡非其質矣



王右軍



三才圖會

人物十卷

王右

王子喬周靈王太子晉也好吹笙作鳳鳴遊伊洛之間道人浮丘公接晉上嵩高山三十餘年後見百良謂曰可告我家七月七日待我於緱山頭至期果乘白鶴駐山頭可望不可到俯首謝時人數日方去後立祠緱氏山下

尹喜

三才圖會

人物十卷

三



尹喜字公文天水人初母氏嘗晝寢夢天下絳霄流繞其身及喜生時陸地自生蓮花及長眼有日精姿形長雅垂臂下膝少好學墳索隱德行仁不修俗禮損身濟物不求聞達周康王時爲大夫仰觀乾象見東方有紫氣西邁知有聖人當度關而西乃求爲函谷關令預敕關吏孫景曰若有形容殊俗車服異常者勿聽過時昭王三十二年七月老君果乘白輿駕青牛欲度關喜曰今我得見聖人矣卽具朝服出迎跪伏邀之老君曰聞開道竺乾有古先生是以身就道經歷子關何過留耶喜曰覩大聖神姿超絕

乃天上至尊也老君曰子何所見而知喜曰去冬十月  
理星西行過昴自今月朔融風三至東方真氣狀如龍蛇  
而西變此大聖人之徵老君乃怡然笑曰善哉子之知吾  
吾亦已知子矣乃爲喜留閔下百餘日盡傳以內外修煉  
之法謂喜曰古先生者卽吾之身嘗化乎竺乾今將返神  
還乎無名吾今逝矣喜叩首請待行老君曰吾遊乎天地  
之表嬉乎玄冥之間四維八極上下無邊子欲隨吾烏可  
得焉喜曰入火赴淵下地上天灰身沒命願隨大仙於是  
復以道德五千言授之喜乃屏絕人事自著書九篇號閔

尹子保形煉色已造真妙心結紫絡面有神光金名表於  
玄圃玉扎繫於紫房五老上帝四極鑑真授喜玉冊金文  
號文始先生位爲無上真人居二十四天王之上統領八  
萬仙士自此方得飛騰虛空叅得龍駕

李八百



李八百蜀人名真居筠陽五龍岡歷夏商周年八百歲動  
行則八百里時人因號爲李八百或隱山林或居廬市又  
修煉於華林山石室丹成還蜀中周穆王時居金堂山  
人歷代見之號紫陽真君



丁令威



丁令威本遼東人學道於靈虛山後化鶴歸集華表而吟  
曰有鳥有鳥丁令威去家千歲今來歸城郭如故人民非  
何不學仙塚壘壘

鬼谷子



鬼谷子春秋時人姓王名詡嘗入雲夢山採藥得道顏如  
少童居清溪之鬼谷蘇秦張儀往問道三年辭去子遺之  
書曰二足下功名赫赫但春華秋至不得久茂今二子好  
朝露之榮忽長久之功輕喬松之永延貴一旦之浮爵夫  
女愛不極席男歡不畢輜痛哉鬼谷處人間數百歲後不  
知所之有陰符鬼谷子二書行於世

劉越

三才圖會

人物十卷

三



劉越周時有匡先生名續修于南嶂山時有一少年數來  
相訪言論奇偉先生異之問曰覩子風猷有日矣僭問鄉  
邦姓字答曰姓劉名越居在山之左山下有石高二丈許  
叩之卽當相延先生如其語訪之叩不石忽自開雙戶洞  
啓一小鬟迎先生繼有二青衣絳節前導見臺榭參差金  
碧掩映珍禽奇獸草木殊異真人冠玉冠朱綬劒佩來迎  
先生意欲留居之真人曰子陰功未滿後會有期他日相  
從未晚也飲玉酒三爵延齡保命湯一啜而出先生返顧  
所叩之石宛然如初他日復叩無所應矣

太山老父

三才圖會

人物十卷

三十二



太山老父者莫知其姓名漢武帝東巡狩見老父鋤于道間狀如五十許人而面若童子頭上白光高數尺怪而問之老父答曰臣年八十五時衰老垂死頭白齒落有道士教臣絕穀服木飲水并作神枕枕中有三十二物其二十四物以象二十四氣其八物以應八風臣導行之轉老爲少髮白更黑齒落更生日行三百里臣今年九十矣武帝愛其方賜之金帛老父後入太山中或十年五年一還鄉里三百餘年乃不復還矣



白石生



白石生中黃丈人弟子彭祖時已二千餘歲不愛飛昇但以長生爲貴而已以金液爲上藥家貧不能得養猪牧羊十數年致富萬金乃賣藥服之嘗煮白石爲糧因就白石山居遂號白石生亦時食脯亦時辟穀日能行三四百里顏色如三十許人或問何以不愛飛昇答曰天上未必樂於人間也

安期生



安期生瑯琊阜鄉人賣藥海邊時人皆呼千歲公秦始皇  
請見與語三夜賜金帛數萬出於阜鄉亭皆置去留書并  
赤玉舄一量爲報曰後千歲求我於蓬萊山下始皇遣使  
者數輩入海求之未至蓬萊山輒遇風波而還乃立祠阜  
鄉亭并海邊十處

東方朔

三才圖會

人物十卷

三五



東方朔字曼倩漢武帝時上書曰臣朔少失父母長養兄嫂今年二十二長九尺三寸口若懸珠齒若編貝勇若孟賁捷若慶忌廉若鮑叔信若尾生若此可以爲天子臣矣上偉之令待詔公車又遷待詔金馬門朔曰如朔所謂避世於朝廷間者時酒酣據地歌曰陸沉於俗官殿可以避世全身何必深山之中蒿蘆之下

鍾離權



鍾離權燕臺人後改名覺字寂道號玉陽子又號雲房先生先生頂圓額廣耳厚眉長目深鼻聳口方頰大唇臉如丹乳遠臂長如三歲兒晝夜不聲第七日躍然而言曰身遊紫府名書玉京及壯仕漢爲大將征吐蕃失利獨騎奔逃山谷迷路夜入深林遇一胡僧蓬頭拂額體掛草衣引行數里見一村庄曰此東華先生成道處將軍可以歇息矣揖別而去良久聞人語云此必碧眼胡人饒舌也真人聞而大驚知爲異人是時方脫虎狼之穴遽有鸞鶴之思乃回心問道哀求度世之方於是老人授長生真訣及金



丹火候青龍劍法真人辭去回顧莊居不見其處後再遇  
華陽真人傳以太乙刀圭火符內丹雲遊至魯居鄒城入  
崆峒於紫金四皓峯居之得玉匣秘訣遂仙去

馬成子



馬成子秦扶風人性喜恬退不樂紛榮嘗自嘆曰人生若  
流電爾奈何久戀塵寰中於是棄家訪道入蜀之鶴鳴山  
石室中修煉二十餘年後遇異人授以神丹曰氣爲內丹  
藥爲外丹子得此服之當列爲上仙矣言訖而去成子遵  
其術行之遂白日昇天

黄安



黃安代郡人年萬歲餘貌若童子常服硃砂舉身皆赤不  
着衣坐一神龜龜廣二尺時人問安坐龜幾年曰三千歲  
乃一出頭我得龜以來已五出頭矣行則負龜而趨漢武  
帝聞其異乃與論虛無神仙之事帝每屈禮焉及封泰山  
詔董謁李克孟岐郭瓊黃安五人同輦謂之仙臣帝崩後  
不知所之

劉玄英



劉玄英號海蟾子明經事燕主劉守光爲相雅喜性命欽  
崇黃老一日忽有道人自稱正陽子來謁海蟾邀坐堂上  
待以賓禮道人爲演清淨無爲之宗金液還丹之要旣竟  
乃索雞卵十枚金錢十文以一文置之几上累十卵於金  
錢若浮圖之狀海蟾驚異之曰危哉道人曰人居榮祿之  
場履憂患之地其危殆甚復盡以其錢劈破擲之遂辭去  
海蟾繇此大悟遂解印辭朝易服從道遁迹終南山下丹  
成尸解有白氣自頂門出化鶴冲天

浮丘伯

三才圖會

人物十卷

四十一





浮丘伯姓李隱居嵩山服黃精二十年髮白返黑齒落更生久之道成白日飛升嘗作原道歌云虎伏龍亦藏龍藏先伏虎但畢河車功不用提防拒諸子學飛仙狂迷不得住左右得君臣四物相念護乾坤法象成自有真人顧

劉晨

三才圖會

人物十卷

四十二



劉晨剡縣人漢永平中與阮肇入天台採藥路迷不得返  
經十三日飢渴甚望山上有桃實共取食之下山取澗水  
飲見一杯流出中有胡麻飯焉二人喜曰此近人家矣遂  
度山出一大溪溪邊有二女色甚美顧笑曰劉阮二郎捉  
杯來耶劉阮異之二女懼然如舊曰來何晚耶卽邀還家  
南壁東壁各有羅幃絳帳命侍女具饌有胡麻飯山羊脯  
甚甘美苦留半年氣候草木常似春百鳥啼啣歸思更切  
二女曰罪根未滅使君等至此遂指示還路及歸鄉邑零  
落已七世矣

魏伯陽



魏伯陽吳人性好道術不樂仕宦乃入山作神丹時二弟子知兩弟子心不盡誠丹成試之曰金丹雖成當先試之大犬無患方可服若犬死不可服也伯陽卽以丹與犬食之犬卽死伯陽曰作丹未成無乃未得神明意耶服之恐復如犬奈何弟子曰先生服之伯陽曰吾背違世路委家于此不得仙吾亦耻歸死與生同吾當服之伯陽服丹入口卽死一弟子曰師非凡人也服丹而死得無有意乎亦服之入口亦死二弟子乃相謂曰作丹求長生爾今服丹卽死不如不服乃共出山爲伯陽及死弟子求殯具伯

陽卽起將煉成妙丹納死弟子及犬口中須臾皆活於是  
將服丹弟子姓虞者同犬仙去逢入山伐薪人作手書寄  
謝二弟子嘗作叅同契凡二卷其說似解周易其實假借  
爻象以寓作丹之旨